

117



## KLUB ZASTUPNIKA U SKUPŠTINI KANTONA SARAJEVO

Sarajevo; 22. 02. 2016. godine

Broj: 01 - / 2016

### SKUPŠTINA KANTONA SARAJEVO

n/r Predsjedavajuća Skupštine

**PREDMET:** Amandmani na Prijedlog Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo

Poštovana,

Na osnovu člana 151. i člana 152. Poslovnika Skupštine Kantona Sarajevo (Sl.novine Kantona Sarajevo broj 41/12), u prilogu Vam dostavljamo Amandmane na Prijedlog Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo.

S poštovanjem,

Predsjednik Kluba

Mirsad Pindžo

A handwritten signature in black ink, appearing to read "Mirsad Pindžo", is written over the printed name.

## AMANDMAN I

*U članovima 7., 9. i 11. Prijedloga Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo, tačke 4. koje su identične u sva tri člana, a koje glase „ (4) Ukoliko lice iz stava (1) ovog člana obavlja poslovodnu funkciju bez zasnivanja radnog odnosa, mjesečna naknada za rad ne može biti veća od osnovne mjesečne plaće propisane u stavu (1) ovog člana.“ se brišu.*

*Obrazloženje: Citiramo obrazloženje Vlade KS na prijedlog iz javne rasprave:*

*„Stav predlagača: Prijedlog se ne prihvata.*

*Zakon o radu („Službene novine FBiH“, br. 62/15), u članu 27. , kojim se reguliše radnopravni status direktora, propisuje mogućnost da direktor obavlja poslovodnu funkciju bez radnog odnosa, a da se prava, obaveze i dogovornosti uređuju ugovorom, u skladu sa općim aktom poslodavca.*

*Iz navednog proizilazi da postoji mogućnost da direktor obavlja svoju funkciju bez zasnivanja radnog odnosa, s tim da se, u skladu sa članom 27. stav (5) Zakona o radu, to treba utvrditi općim aktom poslodavca, a na osnovu prethodno izražene volje osnivača – Kantona Sarajevo, izražene u osnivačkom aktu.*

*S obzirom da o ovom pitanju treba da odlučuje osnivač, osnivačkim aktom, Kanton se može opredijeliti da li će koristiti ovu zakonsku mogućnost.“*

*Iz citiranih odredbi federalnog Zakona o radu jasno proizilazi da je stvar i volja poslodavca hoće li omogućiti obnašanje pozicije direktora bez zasnivanja radnog odnosa, pa predležemo da se volja osnivača, Kantona Sarajevo, na ovaj način izrazi u ovom Zakonu, koji će biti osnov za donošenje ili izmjene i dopune osnivačkih akata javnih preduzeća, javnih ustanova i institucija KS.*

## AMANDMAN II

U članu 19. dodaje se nova tačka 2. koja glasi: „*Vlada Kantona Sarajevo će na bazi kriterija kao što su: broj uposlenih, godišnji ukupan prihod, interes društva za djelatnost koju obavljaju, obim posla i odgovornosti za obavljanje dužnosti i drugih kriterija, donijeti uredbu kojom će sve institucije, javna preduzeća i javne ustanove iz članova 7., 8., 9., 10., 11. i 12. ovog zakona razvrstati u razrede kojima će biti definisana visina plaća i naknada organa upravljanja i rukovođenja u istim.*

*Rok za donošenje ove uredbe je 60 dana od dana stupanja na snagu ovog zakona.“*

Postojeća tačke 2. postaje tačke 3.

U tački 3. istog člana, u zadnjem redu, broj „60“ zamjenjuje se brojem „90“.

*Obrazloženje: Opet citiramo, dio obrazloženja Vlade KS:*

*„Stav predlagača: Prijedlog se ne prihvata.*

*Načelno uvažavajući potrebu na koju ukazuju poslanici u raspravi, u ovom momentu se ne mogu prihvatiti prijedlozi ...*

*Ne možemo prihvatiti ovakav stav Vlade koja kaže da se u načelno slaže, ali da se u ovom momentu ne mogu prihvatiti prijedlozi...*

*Pitamo kad je momenat, da sve plaće organa rukovođenja i naknade organa upravljanja izjednačimo, bez obzira što svi znamo da sve ove institucije, ustanove i preduzeća nisu iste društvene važnosti, da u njima nije isti obim posla i stepen odgovornosti i dr. i da napravimo uravnilovku pa da za koji mjesec mijenjamo Zakon?*

*Ovim prijedlogom se daje prostor Vladi da u roku od 60 dana donese ovu uredbu i produžava rok institucijama, preduzećima i ustanovama za dodatnih 30 dana za usklađivanje akata sa Zakonom nakon donošenja uredbe Vlade.*